

Powšitkowne WOZJEWJENJA

njedźelu, 8. měrca 2020

Póstne seminary w Smochćicach

„Swětłownja abo narowny pomnik Boha“ rěka hłowna tema lětušich póstnych seminarow w Smochčanskim Domje biskopa Bena. Póndźelu, 9. měrca, změjjetaj Gregor Giele z Lipska a Tilmann Popp z Budyšina zawodne słowa k temje „Nowe wino w starých hadźicach? Wjesole poselstwo a jeho šansy w přichodze“. A póndźelu, 16. měrca, porěči Thomas Arnold z Drježdźan k temje „Křesćenjo mjenuja so wšitcy? Wjesole poselstwo a jeho zastupjerjo w towaršnosći“. Seminary, kotrež zahaja so stajnje w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiniskim wobwodom Budyšin-Kamjenc, z Budyskim dekanatom a z Towarstwom Cyrila a Metoda z.t.

Wječorne modlenje młodžiny

Dekanatna młodžina zetka so přichodnu sobotu, 7. měrca, w 20 hodź. w Chrósćicach k zhromadnemu wječornemu modlenju wespery. Po tym wobhlada sej film „Papst Franziskus – Ein Mann seines Wortes“. Dalše zhromadne modlenje wespery budže sobotu, 21. měrca, w 19 hodź. w Budyskej Montessorijowej zakładnej šuli na Tzschirnowej 12.

Putnikowanje swójbow

Lětuše putnikowanje swójbow do Róžanta wotměje so njedźelu, 29. měrca. Boža mša, kotruž budže farar Šćěpan Delan swjećić, zahaji so w 9 hodź. w hnadownej cyrkwi.

Wobsah Katolskeho Posoła 2019

Wobsah Katolskeho Posoła za lěto 2019 je dozestajany. Wšitcy, kotřiž chcedza sej lětnik zwjazać dać a wobsah sobu zapřijeć, móža sej dataju w formaće pdf z internetoweje strony www.posol.de wučišćeć. Štóz tule móžnosć nima, njech wobroći so na redakciju Posoła w Budyskim Serbskim domje pod telefonowym číslom (0 35 91) 55 02 12.

Serbske kemše w Drježdźanach

Drježdźanscy Serbja su na maćernorěčnu Božu mšu njedźelu, 29. měrca, w 16.00 hodź. do cyrkwy swjateho Antonija w Drježdźanach-Löbtauwje, Bünauska hasa 10, přepróšeni. Kemše změje farar Gabriš Nawka. Božej mši přizamknje so po zwučenyj wašnju zetkanje we wosadnicy.

Předstajenja hry Bratrowstwa

Dźiwadłowa skupina Kulowskeho Bratrowstwa předstaji swoju žortnu hru „Namrěwstwa dla zawrjene“ tutu njedźelu, 8. měrca, w 17 hodź. w Nowoslicach a njedźelu, 15. měrca, w 17 hodź. w Haslowje. Poslednje předstajenje budže njedźelu, 22. měrca, w 17 hodź. w Kulowje.

Jězby do Medžugorja

Gerat Róbl ze Smjerdžaceje přeprošuje na putnikowanja do Medžugorja. Terminy jězbow – stajnje wot soboty do soboty – su: wot 28. měrca do 4. apryla, wot 5. do 12. septembra, wot 17. do 24. oktobra a wot 24. do 31. oktobra. Zajimcy měli so pola Gerata Róbla přizjewić, telefonowe čisło (03 57 96) 9 65 40.

Meditatiwne reje nawuknyć

Smochčanski Dom biskopa Bena přeprošuje wšitkich zajimowanych na zawodny seminar k meditatiwnym rejam, kotryž wotměje so wot pjatka do njedźele, 17. do 19. apryla. Nawod změje Dagmar Han-Mehren z Lipska. – Meditawne reje su reje w kole, kotrež přisłušeja najstaršemu kulturnemu herbstwu Němskeje. Choreografije při tym su wšelake – jónu k lóštnej folkloristiskej hudźbje, raz k měrnej klasiskej. Zdobom předstaja so folklorne reje wšelakich ludow.

„Mjenje stresa – wjace wjesela“

W Smochčanskim Domje biskopa Bena ma so w pjatym tydźenju lětnich prózdniw wot soboty do soboty, 15. do 22. awgusta, swójbny tydžeń pod temu „Mjenje stresa – wjace wjesela“ wotměć. Staršim z dźěćimi wot třoch lět poskića tam móžnosć, we wšelakich seminarach nastorki za wšědny dzeń w swójbje dóstać. Při tym pónđže wo respektny kubłanski stil, wo wid na potrěbnosće dźěći a młodostnych kaž tež wo to, na kotre wašnje móhli starši na mylace wašnja zadźerženja wotpowědnje reagować. W času seminarow za staršich změja dźěći swójsku zaběru. Kubłanske dny wobsahuja tohorunja pisany wólnočasny program. Nadrobne informacije dóstanu zajimcy w Smochčicach pod telefonowym čislom (03 59 35) 2 23 17.

Putniska jězba w juniju do Pólskeje

Po slědach bamža Jana Pawoła II. powjedže putniska jězba wot soboty do pjatka, 6. do 12. junija, do Pólskeje. Wopytamy Wadowice, Zakopane, Częstochowu, Warszawu a Licheń. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodž.) abo pola mje w Hórkach, Sydlíšcowy puć 2. Maćij Hadank

Putniska jězba w oktobru do Pólskeje

Dalšu jězbu po slědach swjateho Jana Pawoła II. zarjaduje Smochčanski Dom biskopa Bena wot soboty, 17. oktobra, do pjatka, 23. oktobra. Planowany je wopyt Krakowa, wopomnišća koncentraciskeho lěhwa Auschwitz, Wadowic, Noweje Huty a Częstochowy. Rektor Sebastian Kieslich budže jězbu nawjedować a farar dr. Michael Kleiner duchownje přewodžeć. Přizjewjenja přijimuju w Domje biskopa Bena telefonisce pod čislom (03 59 35) 2 23 15 abo z mailku na sekretariat@benno-haus.de.

Do „Božeje zahrody“ a wokoliny

Ze Šmitec wozydłownistwom přeprošuju na putniku jězbu wot štwórtka do pónđzele, 30. julija do 3. awgusta, do tak mjenowaneje „Božeje zahrody“. W bazilice Vierzeheiligen wobdźělmy so na putniskich kemšach. Zastanjemy tohorunja w Bayreuce a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjmy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec